

Tingkat 2, Blok A,  
Wisma Sri Pahang,  
25503 Kuantan,  
Pahang, Malaysia.

Level 2, Block A,  
Wisma Sri Pahang,  
25503 Kuantan,  
Pahang, Malaysia.



**SETIAUSAHA KERAJAAN NEGERI PAHANG**  
**STATE SECRETARY OF PAHANG**

• Telefon : 09-5162253  
09-5126601  
• Fax : 09-5156106

Rujukan Kami : SUKPHG-14.600-6/4/1 ( 1 )

Tarikh : 17 Januari 2018

Semua Yang Berhormat Ahli-Ahli Majlis Mesyuarat Kerajaan Pahang  
Semua Yang Berhormat Ahli-Ahli Dewan Undangan Negeri Pahang  
Semua Yang Berhormat Ahli-Ahli Dewan Negara (Negeri Pahang Darul Makmur)  
Semua Yang Berhormat Ahli-Ahli Dewan Rakyat (Negeri Pahang Darul Makmur)  
Semua Ketua Setiausaha Kementerian  
Semua Ketua Jabatan Negeri/Persekutuan (Negeri Pahang Darul Makmur)  
Semua Ketua Badan Berkanun Negeri/Persekutuan (Negeri Pahang Darul Makmur)  
Semua Ketua Penguasa Tempatan Negeri  
Setiausaha Barisan Nasional Negeri Pahang  
Semua Pengerusi Pertubuhan/Persatuan Sukarela  
Semua Pendaftar Universiti-Universiti

YB/YH Dato'/YBhg Datuk/Tuan/Puan,

**KURNIAAN DARJAH KEBESARAN DAN PINGAT NEGERI PAHANG**  
**DARUL MAKMUR TAHUN 2018**

Dengan segala hormatnya merujuk kepada perkara tersebut di atas.

2. Sukacita dimaklumkan bahawa Kebawah Duli Yang Maha Mulia Sultan Pahang telah mengampuni limpah perkenan mengurniakan Darjah Kebesaran dan Pingat Negeri Pahang Darul Makmur Sempena Memuliakan Ulang Tahun Hari Keputeraan Baginda Yang Ke-88 pada 24 Oktober 2018.

3. Kategori Darjah Kebesaran dan Pingat yang boleh YB/YH Dato'/YBhg Datuk/Tuan/Puan memperakukan untuk dikurniakan kepada Pegawai-Pegawai dalam Perkhidmatan Awam dan orang awam adalah seperti berikut :

- |  |   |            |
|--|---|------------|
| i. Sri Diraja Sultan Ahmad Shah Pahang | - | (S.D.S.A.) |
| ii. Sri Sultan Ahmad Shah Pahang       | - | (S.S.A.P.) |
| iii. Sri Indera Mahkota Pahang         | - | (S.I.M.P.) |
| iv. Darjah Sultan Ahmad Shah Pahang    | - | (D.S.A.P.) |
| v. Darjah Indera Mahkota Pahang        | - | (D.I.M.P.) |
| vi. Setia Ahmad Shah Pahang            | - | (S.A.P.)   |
| vii. Setia Mahkota Pahang              | - | (S.M.P.)   |

viii. Ahli Ahmad Shah Pahang	-	(A.A.P.)
ix. Ahli Mahkota Pahang	-	(A.M.P.)
x. Pingat Khidmat Cemerlang	-	(P.K.C.)
xi. Pingat Gagah Perwira	-	(P.G.P.)
xii. Pingat Kelakuan Terpuji	-	(P.K.T.)
xiii. Pingat Jasa Kebaktian	-	(P.J.K.)

4. Semua pencalonan hendaklah mengikut panduan, peraturan dan arahan sebagaimana dinyatakan dalam Lampiran-Lampiran seperti berikut :

**4.1 Lampiran A**

- Garis panduan pencalonan untuk Kurniaan Darjah Kebesaran dan Pingat Negeri Pahang Darul Makmur

**4.2 Lampiran B**

- Peraturan menyampaikan borang-borang pencalonan bagi Pegawai-Pegawai dan Kakitangan Kerajaan

**4.3 Lampiran C**

- Peraturan menyampaikan borang-borang pencalonan bagi Orang-Orang Awam

**4.4 Lampiran D**

- Surat Arahan yang dikeluarkan oleh Ketua Setiausaha Negara Bil.P.M.(S) 11262 Jld.14 bertarikh 11 Januari 1988 berhubung Tapisan Keutuhan Bagi Kurniaan Darjah-Darjah Kebesaran dan Pingat-Pingat bagi Pegawai-Pegawai Persekutuan

5. Pencalonan bagi Pegawai-Pegawai dalam Perkhidmatan Awam hendaklah dibuat melalui Ketua Jabatan Pegawai berkenaan dalam dua (2) salinan. Manakala Pencalonan bagi Orang-Orang Awam / Bukan Kerajaan / Politik juga perlu dikemukakan dalam satu (1) salinan ke Pentadbiran ini. **Borang Pencalonan Bagi Kurniaan Darjah Kebesaran dan Pingat Negeri Pahang Darul Makmur Tahun 2018 boleh juga dimuat turun melalui Portal Pahang di <http://www.pahang.gov.my> (Lampiran 'E').**

6. Sila pastikan bahawa butir-butir yang diisikan di dalam borang tersebut adalah tepat khususnya mengenai **Ejaan Nama, Kewarganegaraan, No. Kad Pengenalan, Alamat dan Darjah-Darjah Kebesaran dan Pingat yang telah diterima**. Sila juga pastikan bahawa semua ruangan yang disediakan di dalam borang tersebut diisi dengan lengkap. Sekiranya sesuatu soalan tidak berkenaan, sila catatkan "TB" atau "Tidak" di ruangan yang berkenaan.

7. Sukacita diingatkan bahawa dalam mengemukakan sesuatu pencalonan semua peraturan-peraturan dan syarat-syarat yang telah ditetapkan hendaklah dipatuhi. **BORANG-BORANG PENCALONAN YANG TIDAK LENGKAP TIDAK AKAN DIPERTIMBANGKAN.**

8. Bagi Pencalonan Pegawai dan Kakitangan Persekutuan, sukacita pihak YB/YH Dato'/YBhg Datuk/Tuan/Puan mematuhi peraturan-peraturan yang telah ditetapkan di dalam surat Pekeliling P.M.Sulit.11262 Jld 11 bertarikh 26 April 1977 yang ditandatangani oleh Ketua Setiausaha Negara yang menetapkan bahawa setiap pencalonan untuk Penganugerahan Darjah Kebesaran kepada Pegawai dan Kakitangan Persekutuan ianya hendaklah dikemukakan kepada Ketua Setiausaha Kementerian masing-masing terlebih dahulu sebelum dikemukakan kepada Bahagian Istiadat, Jabatan Perdana Menteri selaku Urusetia untuk diangkat bagi pertimbangan Ketua Setiausaha Negara.

9. Sehubungan itu, borang-borang pencalonan yang telah lengkap diisi, hendaklah dikembalikan kepada Bahagian Istiadat dan Pengurusan Majlis Rasmi, Pejabat Setiausaha Kerajaan Pahang, Wisma Sri Pahang, Blok (B), 25503 Kuantan, Pahang **sebelum atau pada 31 Mei 2018**. Sila ambil perhatian bahawa pencalonan yang lewat diterima tidak akan dipertimbangkan. Pentadbiran ini juga berhak menolak mana-mana pencalonan yang didapati tidak lengkap serta tidak memenuhi syarat-syarat yang ditetapkan.

Sekian, terima kasih.

*" Mudah, Cepat, Telus "*  
**'BERKHIDMAT UNTUK NEGARA'**

Saya yang menurut perintah,

( DATO' SRI MUHAMMAD SAFIAN BIN ISMAIL,  
SSAP., SIMP., DSAP., DIMP., PJN., AAP., AMP. )

**s.k.**

Yang Amat Berhormat Menteri Besar Pahang

Yang Berbahagia Ketua Setiausaha Negara  
Bahagian Istiadat dan Urusetia Persidangan Antarabangsa  
(Unit Pengurusan Bintang)  
Jabatan Perdana Menteri

Pengelola Bijaya Diraja  
Kebawah Duli Yang Maha Mulia Sultan Pahang

Setiausaha Sulit Khas Kepada  
Kebawah Duli Yang Maha Mulia Sultan Pahang

**MUSTAHAK**

**GARIS PANDUAN PENCALONAN UNTUK KURNIAAN  
DARJAH KEBESARAN DAN PINGAT NEGERI PAHANG DARUL MAKMUR**

Seseorang yang hendak dicalonkan bagi menerima anugerah sesuatu Darjah Kebesaran dan Pingat Negeri Pahang Darul Makmur hendaklah mempunyai ciri-ciri berikut :

- \* Telah memberikan sumbangan bakti yang istimewa kepada masyarakat, Negeri Pahang Darul Makmur dan Raja Pemerintah
- \* Mereka yang telah berkhidmat dengan cemerlang lebih kurang 5 tahun di Negeri Pahang Darul Makmur
- \* Mereka yang telah terbukti melibatkan diri secara aktif dengan Badan-Badan Amal dan Sukarela
- \* Mereka yang dicalonkan hendaklah mempunyai rekod yang bersih
- \* Darjah Kebesaran dan Pingat yang hendak dicalonkan kepada seseorang hendaklah sesuai dengan kedudukannya dalam masyarakat dan sebagai mengenangkan jasa bakti yang diberikan
- \* Pencalonan mestilah dibuat dan disokong hanya oleh Ketua Jabatan/Agensi masing-masing atau Pegawai Daerah atau Ketua-Ketua Masyarakat. Pencalonan yang dibuat oleh pihak lain dari yang sepatutnya tidak akan dipertimbangkan
- \* Pegawai Pencalon hendaklah menyatakan dengan jelas urutan keutamaan senarai calon yang dikemukakan bagi setiap kategori pencalonan

Darjah Kebesaran dan Pingat yang boleh dicalonkan kepada seseorang adalah seperti berikut :

#### **SRI DIRAJA SULTAN AHMAD SHAH PAHANG (S.D.S.A)**

Darjah Kebesaran Peringkat Utama yang membawa gelaran Dato' Sri Diraja adalah dicadangkan bagi kurniaan sebagai satu kehormatan yang istimewa terutamanya kepada mereka yang telah memberikan perkhidmatan terpuji dan cemerlang kepada Raja Pemerintah, Negeri Pahang Darul Makmur.

#### **SRI SULTAN AHMAD SHAH PAHANG (S.S.A.P.)**

Darjah Kebesaran Peringkat Pertama yang membawa gelaran Dato' Sri adalah dicadangkan bagi kurniaan sebagai satu kehormatan yang istimewa terutamanya kepada mereka yang telah memberikan perkhidmatan terpuji dan cemerlang kepada Raja Pemerintah, Negeri Pahang Darul Makmur dan rakyat keseluruhannya. Pengurniaan ini biasanya diberikan kepada Pegawai Kerajaan Kumpulan Turus atau yang setaraf dengannya dalam Perkhidmatan Kerajaan, Badan-Badan Berkanun atau Penguasa-Penguasa Tempatan atau kepada sesiapa sahaja yang difikirkan layak menerimanya.

#### **SRI INDERA MAHKOTA PAHANG (S.I.M.P.)**

Darjah Kebesaran Peringkat Pertama yang membawa gelaran Dato' Indera adalah dicadangkan bagi kurniaan sebagai satu kehormatan yang istimewa terutamanya kepada mereka yang telah memberikan perkhidmatan terpuji dan cemerlang kepada Raja Pemerintah, Negeri Pahang Darul Makmur dan rakyat keseluruhannya. Pengurniaan ini biasanya diberikan kepada Pegawai Kerajaan Gred Turus atau yang setaraf dengannya dalam Perkhidmatan Kerajaan, Badan-Badan Berkanun atau Penguasa-Penguasa Tempatan atau kepada sesiapa sahaja yang difikirkan layak menerimanya.

#### **DARJAH SULTAN AHMAD SHAH PAHANG (D.S.A.P.)**

Darjah Kebesaran Peringkat Kedua yang membawa gelaran Dato' adalah dicadangkan bagi kurniaan terutamanya kepada mereka yang telah memberikan perkhidmatan terpuji dan cemerlang kepada Raja Pemerintah, Negeri Pahang Darul Makmur dan rakyat keseluruhannya. Pengurniaan ini biasanya diberikan kepada Pegawai Kerajaan Gred Jawatan Utama Sektor Awam (JUSA) A, B dan C ke atas atau yang setaraf dengannya dalam Perkhidmatan Kerajaan, Badan-Badan Berkanun atau Penguasa-Penguasa Tempatan atau kepada sesiapa sahaja yang difikirkan layak menerimanya.

### **DARJAH INDERA MAHKOTA PAHANG (D.I.M.P.)**

Darjah Kebesaran Peringkat Kedua yang membawa gelaran Dato' adalah dicadangkan bagi kurniaan terutamanya kepada mereka yang telah memberikan perkhidmatan terpuji dan cemerlang kepada Raja Pemerintah, Negeri Pahang Darul Makmur dan rakyat keseluruhannya. Pengurniaan ini biasanya diberikan kepada Pegawai Kerajaan Gred JUSA C ke atas atau yang setaraf dengannya dalam Perkhidmatan Kerajaan, Badan-Badan Berkanun atau Penguasa-Penguasa Tempatan atau kepada sesiapa sahaja yang difikirkan layak menerimanya.

### **SETIA AHMAD SHAH PAHANG (S.A.P.)**

Darjah Kebesaran Peringkat Ketiga ini adalah dicadangkan bagi kurniaan terutamanya kepada mereka yang telah memberikan perkhidmatan terpuji dan cemerlang kepada Raja Pemerintah, Negeri Pahang Darul Makmur dan rakyat keseluruhannya. Pengurniaan ini biasanya diberikan kepada Pegawai Kerajaan Gred 54 ke atas atau yang setaraf dengannya dalam Perkhidmatan Kerajaan, Badan-Badan Berkanun atau Penguasa-Penguasa Tempatan atau kepada sesiapa sahaja yang difikirkan layak menerimanya.

### **SETIA MAHKOTA PAHANG (S.M.P.)**

Darjah Kebesaran Peringkat Ketiga ini adalah dicadangkan bagi kurniaan terutamanya kepada mereka yang telah memberikan perkhidmatan terpuji kepada Negeri. Pengurniaan ini biasanya diberikan kepada Pegawai Kerajaan Gred 52 ke atas atau yang setaraf dengannya dalam perkhidmatan Kerajaan, Badan-Badan Berkanun atau Penguasa-Penguasa Tempatan atau kepada sesiapa sahaja yang difikirkan layak menerimanya.

### **AHLI AHMAD SHAH PAHANG (A.A.P.)**

Darjah Kebesaran Peringkat Keempat ini bolehlah dipertimbangkan kepada Pegawai-Pegawai Kerajaan, Badan-Badan Berkanun atau Penguasa-Penguasa Tempatan, Polis atau Angkatan Bersenjata Gred 48 ke atas atau kepada sesiapa sahaja yang setaraf dengannya yang difikirkan layak menerima. Pengurniaan ini adalah bagi orang yang berjasa dan melaksanakan tugas-tugas dengan cemerlang atau pun yang memberikan sumbangan dalam Badan-Badan Sukarela atau pun lain-lain kegiatan.

### **AHLI MAHKOTA PAHANG (A.M.P.)**

Darjah Kebesaran Peringkat Keempat ini diwujudkan supaya pengurniaannya secocok dengan taraf dan kedudukan penerima. Kedudukan Bintang ini adalah di antara Bintang A.A.P. dan Pingat P.K.C. Pada kebiasaannya Bintang A.M.P. dikurniakan kepada Pegawai Kerajaan Gred 41/Gred 44 sama ada dalam perkhidmatan Kerajaan, Badan-Badan Berkanun atau Penguasa-Penguasa Tempatan atau kepada sesiapa sahaja yang difikirkan layak menerimanya.

### **PINGAT KHIDMAT CEMERLANG (P.K.C.)**

Pingat ini boleh dipertimbangkan bagi Pegawai-Pegawai Kerajaan Gred 32 / Gred 27 atau yang setaraf dengannya sama ada dalam Perkhidmatan Awam, Badan-Badan Berkanun / Penguasa-Penguasa Tempatan dan Anggota Pasukan Keselamatan atau kepada sesiapa sahaja yang difikirkan layak menerima. Pengurniaan ini adalah bagi orang yang berjasa dan memberikan perkhidmatan yang cemerlang dan bermutu tinggi.

### **PINGAT GAGAH PERWIRA (P.G.P.)**

Pingat ini bolehlah dianugerahkan kepada sesiapa yang melaksanakan sesuatu perbuatan yang paling gagah dan berani walaupun di dalam keadaan yang amat membahayakan serta mencemaskan dirinya sendiri.

### **PINGAT KELAKUAN TERPUJI (P.K.T.)**

Pingat ini bolehlah dianugerahkan kepada Pegawai-Pegawai Kerajaan dalam Gred 22 ke atas kepada sesiapa sahaja yang terbukti telah melaksanakan perbuatan atau perbuatan-perbuatan yang mempunyai sifat kelakuan terpuji dan berani walaupun di dalam keadaan yang membahayakan dirinya sendiri.

### **PINGAT JASA KEBAKTIAN (P.J.K.)**

Pingat ini bolehlah dianugerahkan kepada Pegawai-Pegawai Kerajaan dalam Gred 1 hingga 27 atau kepada sesiapa yang melaksanakan sesuatu perkhidmatan yang terpuji di Negeri ni selain daripada perbuatan keberanian dan perkhidmatan ini ditunjukkan oleh kecerdasan dan kesetiaan kepada tugas termasuk kepada perkhidmatan yang lama dan dipenuhi dengan kebolehan yang istimewa, kepujian dan kelakuan yang terpuji.



**KELAYAKAN PENCALONAN  
PENGANUGERAHAN DARJAH KEBESARAN DAN PINGAT NEGERI PAHANG DARUL MAKMUR  
BAGI SEKTOR KERAJAAN**

BIL.	DARJAH KEBESARAN / PINGAT	PEGAWAI-PEGAWAI KERAJAAN	PEGAWAI-PEGAWAI ANGKATAN TENTERA DARAT / LAUT / UDARA	PEGAWAI-PEGAWAI POLIS DIRAJA MALAYSIA
1.	SSAP / SIMP	Turus 1 dan Setaraf	Jeneral / Laksamana dan Setaraf	Ketua Polis Negara
2.	SIMP / DSAP	Turus II / III atau Setaraf	Jeneral / Laksamana dan Setaraf	Timbalan Ketua Polis Negara
3.	DSAP	Grad Utama A, B, C	Leftenan Jeneral / Laksamana Madya dan Setaraf	Komisioner Polis (CP)
4.	DSAP / DIMP	Gred Utama A, B, C	Mejar Jeneral / Laksamana Muda dan Setaraf	Deputi Komisioner Polis (DCP)
5.	DIMP / SAP / SMP	Gred 54 ke atas	Brigedier Jeneral / Laksamana Pertama dan Setaraf	Senior Asisten Komisioner Polis (SAC)
6.	SAP / SMP	Gred 52 ke atas	Kolonel / Kapten (TLDM) dan Setaraf	Senior Asisten Polis (SAC) / Asisten Komisioner Polis (ACP)
7.	AAP	Gred 48 ke atas	Leftenan Kolonel / Komander dan Setaraf	Superintenden Polis (Supt.)
8.	AMP	Gred 41 / Gred 44	Mejar / Leftenan Komander dan Setaraf	Deputi Superintenden Polis (DSP)
9.	PKC / PKT	Penolong Pegawai Tadbir Gred 27 / Gred 32	Kapten / Leftenan / Leftenan Madya / Leftenan Muda dan Setaraf	Asisten Superintenden Polis (ASP) / Kadet Asisten Superintenden Polis (K/ASP) / Cif Inspektor (C/Insp.) / Inspektor
10.	PKT / PJK	Pembantu Tadbir Gred 22 ke atas	PW 1 / PW II ke Sarjan / Bintara Kanan / Bintara Muda	Sub-Inspektor / Sarjan Mejar / Sarjan
11.	PJK	Pembantu Tadbir Gred 1 hingga 22	KPL / Laskar Kanan / Laskar Kelas 1 ke bawah	Koperal / Lans Koperal

## LAMPIRAN ' B '

### PERATURAN MENYAMPAIKAN BORANG-BORANG PENCALONAN BAGI PEGAWAI-PEGAWAI DAN KAKITANGAN KERAJAAN

1. Borang pencalonan hendaklah diisi dan disahkan hanya oleh Ketua-Ketua Jabatan masing-masing dan disampaikan kepada :
  - (a) Setiausaha Kerajaan Pahang bagi semua Pegawai PTD dalam perkhidmatan Kerajaan Negeri
  - (b) Setiausaha Kerajaan Pahang bagi lain-lain Pegawai dan Kakitangan Perkhidmatan Negeri Pahang Darul Makmur
  - (c) Ketua Setiausaha Kementerian berkenaan bagi Pegawai dan Kakitangan Perkhidmatan Persekutuan yang berkhidmat di Jabatan-Jabatan Negeri atau pun Jabatan-Jabatan Persekutuan di Negeri Pahang Darul Makmur, termasuk Angkatan Tentera dan Polis melalui Ketua Jabatan masing-masing
2.
  - (a) Setiausaha Kerajaan Negeri bagi Pegawai-Pegawai PTD akan menyampaikan sokongan kepada Ketua Pengarah Perkhidmatan Awam dan Ketua Pengarah Perkhidmatan Awam kepada Jabatan Perdana Menteri
  - (b) Ketua Setiausaha Kementerian bagi Pegawai dan Kakitangan Perkhidmatan Persekutuan akan menyampaikan sokongan mereka kepada Jabatan Perdana Menteri
3. Jabatan Perdana Menteri akan menyampaikan keputusan kepada Setiausaha Kerajaan Negeri.
4. Setiausaha Kerajaan Negeri akan membuat perakuan kepada YAB Menteri Besar Pahang dan seterusnya disebarkan untuk perkenan Kebawah Duli Yang Maha Mulia Sultan Pahang.

#### **MUSTAHAK :**

Adalah diingatkan bahawa Ketua Jabatan di satu Jabatan tidak boleh memperakukan Pegawai-Pegawai dan Kakitangan dari Jabatan lain.

**PERATURAN MENYAMPAIKAN BORANG-BORANG  
PENCALONAN BAGI ORANG-ORANG AWAM**

1. Borang pencalonan hendaklah diisi oleh Ketua-Ketua Masyarakat di Kampung atau Pertubuhan masing-masing dan disampaikan kepada :
  - (a) Pegawai Daerah di Daerah masing-masing
  - (b) Pegawai Daerah mengesah dan memperakukan kepada Yang Berhormat Setiausaha Kerajaan Pahang
  - (c) Yang Berhormat Setiausaha Kerajaan Pahang akan membuat perakuan kepada Yang Amat Berhormat Menteri Besar Pahang dan seterusnya disebarkan untuk perkenan Kebawah Duli Yang Maha Mulia Sultan Pahang

LAMPIRAN ' D '

JABATAN PERDANA MENTERI MALAYSIA,  
JALAN DATO' ONN,  
50502 KUALA LUMPUR.

Telefon : 2301957  
Kawat : PERDANA

---

Ruj. Tuan :  
Ruj. Kami : P.M.(S)11262 Jld.14  
Tarikh : 11 Januari 1988

**Ketua-Ketua Setiausaha Kementerian**  
**Tapisan Keutuhan Bagi Kurniaan Darjah-Darjah**  
**Kebesaran Dan Pingat-Pingat**

Sebagaimana yang dikehendaki di dalam Pekeliling Am Sulit Bil. 1 Tahun 1985 bertarikh 30 Ogos 1985 bahawa semua pencalonan bagi Penganugerahan Darjah Kebesaran dan Pingat Negeri hendaklah dibuat tapisan-tapisan keutuhan oleh Badan Pencegah Rasuah (B.P.R.).

2. Sehubungan dengan ini juga bagi memastikan bahawa calon-calon yang dipertimbangkan bagi Penganugerahan tersebut tidak mempunyai sebarang kes tatatertib, Kementerian/Jabatan/Kerajaan Negeri adalah dikehendaki merujuk setiap pencalonan kepada pihak Lembaga Tatatertib yang mengendalikan urusan tatatertib calon-calon berkenaan supaya menjalankan tapisan-tapisan keutuhan.

3. Oleh itu, hanya calon-calon yang benar layak dari segi keutuhan sahaja perlu dikemukakan kepada Jabatan Perdana Menteri untuk mendapat persetujuan daripada Pegawai Jawatankuasa Tetap Darjah-Darjah Kebesaran dan Bintang-Bintang Persekutuan.

4. Dengan hal demikian, Kementerian/Jabatan/Kerajaan Negeri apabila mengemukakan pencalonan bagi Penganugerahan Darjah kebesaran dan Pingat Negeri bagi Pegawai-Pegawai Persekutuan yang berkhidmat dengan Kerajaan Negeri hendaklah mengesahkan di atas borang pencalonan bahawa calon-calon yang dicadangkan itu telah dibuat tapisan keutuhan seperti perenggan 1 dan 2 di atas.

Sekian, terima kasih.

Saya yang menurut perintah,

tt  
(DATO' HAJI WAN SIDEK)  
b.p. Ketua Setiausaha Negara

s.k.  
YB Setiausaha Kerajaan Pahang  
Ketua Pengarah Perkhidmatan Awam,  
Jabatan Perkhidmatan Awam,  
Wisma Bemama,  
50510 KUALA LUMPUR

**MUAT TURUN BORANG**

<http://www.pahang.gov.my>

